



Pou Piblikasyon Imedya: 14/04/2022

GOUVÈNÈ KATHY HOCHUL

**GOUVÈNÈ HOCHUL ANONSE APWOBASYON NOUVO KAD POU ATENN OMWEN
DIS JIGAWAT ENÈJI SOLÈ DISTRIBIYE RIVE 2030**

Ase enèji solè pwòp pou alimente prèske 700,000 lòt kay New York chak ane

*Yo prevwa ankouraje apeprè 4.4 milya dola nan investisman prive, kreye 6,000
djòb solè adisyonèl - ak egzijans salè an vigè pou pwojè ki depase yon MW*

*40 pousan nan benefis pou kominote defavorize yo, Nouyòkè ki gen revni ki fèb
ak modere yo*

*Sipòte objektif Lwa sou Lidèchip Klima ak Pwoteksyon Kominotè Eta a pou
pwodui 70 pousan elektrisite Eta a apati sous renouvlab yo dis 2030*

Gouvènè Kathy Hochul, Anvan Semèn Latè (Earth Week) a, te anonse jodi a ke Komisyon Sèvis Piblik (Public Service Commission, PSC) Eta a te apwouve yon nouvo kad pou Eta a reyalize omwen dis jigawat enèji solè distribiye dis 2030, sa ki ase pou alimente prèske 700,000 kay tay mwayèn chak ane. Plan an, ke Otorite Rechèch ak Devlopman Enèji Eta New York (New York State Energy Research and Development Authority, NYSEERDA) ak Depatman Sèvis Piblik (Department of Public Service, DPS) Eta New York te soumèt bay Komisyon Sèvis Piblik (Public Service Commission) la, founi yon estrateji konplè pou elaji inisyativ NY-Sun Eta ki pote siksè a an youn nan pwogram solè inik ki pi gwo ak pi enklizif nan nasyon an. Semèn Latè a, ki ane sa a ap dewoule soti 18-22 avril, yo selebre li ak evènman atravè lemond pou sipòte anviwònman an ak pou ogmante konsyantizasyon pou pwoteksyon anviwònmantal ak swen planèt nou an.

"Batay ki egziste kont chanjman klimatik la mande investisman istorik nan enèji renouvlab pou mennen nou pi pre yon avni ki pi briyan, ki pi vèt", **Gouvènè Hochul te deklare.** "Plan wout sa a pou elaji inisyativ NY-Sun lan an yon plan k ap mennen nan peyi a pou devlopman solè distribiye satisfè moman pou dinamize ekonomi nou an ak avanse objektif klimatik nou yo."

Kad yo adopte a gen ladan yon investisman 1.5 milya nan ankourajman kontribiye yo finanse pou pwolonje pwogram NY-Sun ki pote siksè epi kontinye rediksyon make nan pri pwojè ak ankourajman yo obsève nan dis dènye ane yo. Investisman piblik la pral

ankouraje apeprè 4.4 milya dola nan envestisman prive pou pèmèt pwojè yo akòde yo reyalize, pou yon total 5.9 milya dola nan envestisman yo prevwa nan mitan ak nan fen ane 2020 yo. Yo pral kreye 6,000 djòb solè adisyonèl atravè eta a, ki gen ladan ak premye aplikasyon Eta a nan egzijans salè an vigè pou pwojè solè ant youn ak senk megawat.

Ekspansyon pwogram lan ap bay omwen 35 pousan benefis yo, ak yon objektif 40 pousan, nan envestisman nan kominote ki defavorize yo ak Nouyòkè ki gen revni ki ba ak revni mwayen yo. Anons jodi a sipòte manda Lwa sou Lidèchip Klima ak Pwoteksyon Kominotè (Climate Leadership and Community Protection Act, CLCPA) Eta a pou pwodui 70 pousan elektrisite eta a apati sous renouvlab yo dis 2030 kòm yon pati nan yon tranzisyon fleksib ak ekita nan yon ekonomi enèji pwòp.

Plan Komisyon an te apwouve epi DPS ak NYSERDA te devlope ak anpil atansyon an te evalye plizyè estrateji pou deplwaye dis gigawat oswa plis nan solè distribiye dis 2030 epi yo te detèmine ke elaji siksè inisyativ NY-Sun Eta a bay chemen ki plis efikas, ak rentab pou swiv.

Yo prevwa ke atenn objektif solè elaji eta a pral jenere ase elektrisite pwòp chak ane pou alimante prèske 700,000 kay adisyonèl nan New York, ki gen ladan sa yo ki nan kominote defavorize yo. Sa ki enpòtan, plan ke yo apwouve kounye a bay:

- Ase nouvo enèji pwòp, renouvlab pou alimante 700,000 kay adisyonèl chak ane;
- Omwen 1,600 megawat, ase pou alimante 280,000 kay, nan nouvo kapasite solè pou benefisye kominote defavorize yo ak Nouyòkè ki gen revni ki ba a modere yo, ak yon estimasyon 600 milyon dola nan envestisman k ap sèvi kominote sa yo;
- Omwen 450 megawat, ase pou alimante prèske 79,000 kay, dwe konstwi nan zòn sèvis elektrik Con Edison lan (ki kouvri Vil New York ak kèk pati nan Westchester), ogmante kapasite solè enstale nan zòn sa a plis pase yon jigawat, sa ki ase pou alimante prèske 175,000 kay;
- Omwen 560 megawat, sa ki ase pou alimante 98,000 kay, ki dwe avanse atravè Otorite Enèji Long Island (Long Island Power Authority, LIPA); ak
- Yon nouvo egzijans ke travayè ki asosye ak konstriksyon pwojè NY Sun sipòte yo ki pi plis pase yon megawat yo dwe peye salè ki an vigè a.

Yo prevwa elaji objektif solè eta a pou gen yon enpak mwayèn sou bòdwo pou kliyan New York yo ki mwens pase en pousan, oswa apeprè 0.71 pa mwa pou rezidans mwayèn.

Prezidan Komisyon Sèvis Piblik la, Rory M. Christian, te deklare, "Sipò ak ankourajman chalere Gouvènè Hochul te entegral nan devlopman kontinyèl ak aksè ak enèji solè nan Eta New York. Plan ke nou te apwouve jodi a bay New York direktiv li bezwen pou akselere ale tranzisyon an nan direksyon yon ekonomi enèji pwòp epi atenn objektif klimatik enpòtan nou yo."

Prezidan ak Direktè Egzekitif Jeneral Otorite Rechèch ak Devlopman Enèji Eta New York la, Doreen M. Harris, te deklare, "Aksyon Komisyon Sèvis Piblik la ap fè jodi a ogmante inisyativ NY-Sun lan ki pote anpil siksè a nan youn nan pi gwo pwogram inik nan Etazini epi li pral solidifye plis pozisyon New York kòm lidè nasyonal nan solè distribye ak kominotè pou ane k ap vini yo. Ekspansyon konplè sa a vle di plis fanmi ak biznis, espesyalman moun ki nan kominote ki istorikman defavorize yo, pral gen aksè ak elektrisite solè pwòp, abòdab, pandan y ap asire travayè ki bati pwojè sa yo jwenn salè ki jis. Atenn 10 jigawat, sa pral ogmante 9 milya dola nan investisman prive epi kreye plizyè milye djòb solè pou soutni fanmi yo, sa ki montre gwo avantaj tranzisyon enèji pwòp eta a ap pote pou Nouyòkè yo nan kad lidèchip Gouvènè Hochul la."

Senatè Eta Todd Kaminsky te deklare, "Apwobasyon PSC fè jodi a nan plan solè a montre kijan nou ka atenn objektif anbisyè ki endike nan CLCPA a, ak enèji solè pwòp. Nou ka ankouraje plizyè milya dola nan investisman prive, epi asire kominote ki defavorize yo benefisye nan kwasans sa a. Mwen bat bravo pou NYSERDA, DPS ak Gouvènè Hochul pou estrateji yo ki gen yon vizyon pou lavni pou devlope ekonomi enèji vèt New York la ak etap yo franchi pou avanse li."

Manm Asanble Lejislativ la, Steve Englebright, te deklare, "Nou tout gen yon wòl pou nou jwe nan redui konsekans negatif chanjman klimatik la. An 2019, mwen te patwone Lwa sou Lidèchip Klima ak Pwoteksyon Kominotè a ki te egzije PSC pou tabli yon pwogram nan estanda enèji pwòp la pou asire ke 70 pousan elektrisite eta a pwodui apati sous renouvlab yo rive 2030 ak 100 pousan soti nan sous ki san emisyon rive 2040. Mwen ta renmen remèsye Gouvènè Hochul pou mezi yo pran jodi a, yo se yon pa na bon direksyon an."

Manm Asanble a Michael Cusick te deklare, "Agrandisman inisyativ NY-Sun sa a se yon etap enpòtan nan agrandi kapasite solè eta nou an epi li pral ede nou fè gwo pwogrè nan travay pou atenn objektif CLCPA yo. Agrandisman kontinyèl kapasite solè nou an enpòtan anpil pou konstwi rezo enèji alavni an isit nan New York epi pou pwoteje anviwònman nou an pou jenerasyon k ap vini yo."

Plan Klimatik ki Alatèt Peyi a

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye travay epi ki kontinye ankouraje yon ekonomi ekolojik pandan Eta New York ap retabli anba pandemi COVID-19 la. Enskri nan lwa atravè Lwa sou Lidèchip Klimatik ak Pwoteksyon Kominotè a, New York sou yon chemen pou reyalize objektif mandate li a nan yon sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li chita sou investisman san presedan New York pou devlope enèji pwòp yo, ki enkli plis pase 33 milya dola nan 102 pwojè enèji renouvlab ak transmasyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Mete ansanm, investisman sa yo pèmèt kenbe prèske 158,000 travay nan sektè enèji pwòp la nan New York an 2020, yon kwasans 2,100

pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn sou lanmè a disi 2035. Selon Lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan investisman nan enèji pwòp pou benefisye kominote defavorize yo epi fè pwogrè avanse nan direksyon sib efikasite enèji eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji itilizasyon final.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418